

Razred za društvene nauke Internacionalne akademije nauka i umjetnosti u Bosni i Hercegovini organizira Simpozij

Suočavanje sa sadašnjošću u Bosni i Hercegovini: etnički arhipelazi i zajednice koje se temelje na infrastrukturi

Hotel Holiday Sarajevo, Zmaja od Bosne 4

12.09.2024 u 09:00

O simpoziju

U okviru ovog simpozija predstaviti će se rezultati istraživanja provedenih u okviru znanstvenog projekta „(Re)Constructing Religioscapes as Competing Territorial Claims in Post-War Bosnia and Herzegovina“, kojeg vodi prof. dr. Robert M. Hayden, Univerzitet u Pittsburghu, a financirala ga je američka zaklada za znanost.

Istraživači na projektu, kao i sam voditelj projekta profesor Hayden, predstaviti će rezultate terenskog istraživanja provedenog širom Bosne i Hercegovine počevši od 2018. (s dvogodišnjom pauzom zbog COVID-a). Tokom tog istraživanja, koje se provodilo u okviru programa kulturne antropologije, posebna se pažnja posvetila malim mjestima koja su se našla na teritoriju na kojem su pripadnici druge religijske i etničke zajednice u većini, te su stoga postali neka vrsta „otoka“ unutar „mora“ kojim dominiraju pripadnici drugog naroda. Lokalni identitet takvih zajednica je skoro uvijek vidljiv po spomenicima, spomen-pločama i drugim označiteljima sjećanja na one koji su poginuli u ratu od 1992. do 1995. To su spomenici **šehidima, braniteljima** ili **borcima** u ratu kojeg se i drukčije naziva ovisno o tome o kojoj je zajednici riječ. Skoro da nema spomenika koji bi bio za sve poginule u ratu, a tek je mali broj gradova sa više od jednog javnog spomenika. Povratnici u mjesta odakle su morali otići u 1990ima sve više dolaze da bi se sahranili na lokalnim grobljima, u mjestima gdje su živjeli prije rata. U Bosni i Hercegovini postoji infrastruktura koja povezuje te „otoke“ jer su se razvile mogućnosti za putovanja, trgovinu i komunikaciju. To sve povezuje Bosnu i Hercegovinu, ali ne dovodi u pitanje dominaciju pojedinih zajednica na pojedinim prostorima. Ne postoji međutim neka povezanost na polju simbola. No, ipak, premda sadašnje stanje nije ono koje su zamislili političari kad su govorili o multikulturalizmu, struktura etno-teritorijalnih arhipelaga povezanih pragmatički potrebnom infrastrukturom (cestama, trgovinom, komunikacijama i dr.) jest prilično stabilna. Ta stabilnost ovisi o stabilnosti i opstanku i te povezujuće infrastrukture i opstanku i stabilnosti etno-teritorijalne simbolike.

Program simpozija, na kojem će sva izlaganja biti na bosanskom/hrvatskom/srpskom jeziku:

- 09.00 – 09.10. **Otvaranje simpozija** (akademik Dejan Jović, voditelj Razreda za društvene nauke IANUBIH i profesor Robert Hayden, voditelj projekta)

Panel 1:

- 09.10 – 09.40 **Teorijski pristupi: fluidna dinamika viskoznih identiteta / kulturne sedimentacije i erozije u Bosni i Hercegovini** / Robert Hayden i Mario Katić
- 09:40 – 10.00 diskusija
- 10.00 – 11.00 **Suočavanje sa sadašnjošću u Bosni i Hercegovini: etnički arhipelazi i zajednice koje se temelje na infrastrukturi** / Robert Hayden i Mario Katić
- 11.00 - 11:20 diskusija

11:20 – 11:35 **pauza za kavu**

Panel 2:

- 11:35 – 12:00 **Primjena GIS metodologije u istraživanjima sedimentacije i erozije vremena** / Ante Šiljeg i Ivan Marić
- 12:00 – 12:30 **Obrasci sedimentacije i erozije sakralne arhitekture i svjetovnih spomenika u Mostaru, Banjoj Luci i Zenici** / Robert Hayden, Ante Šiljeg i Ivan Marić
- 12-30 - 12:45 **Grobovi mučenika kao palimpsesti na primjeru Šehitluka u Banjoj Luci i Musale u Zenici** / Mario Katić
- 12:45 - 13:00 diskusija

13:00 – 13:20 **pauza za kavu**

Panel 3:

- 13:40 – 14:00 **Komadići osporavanih sjećanja: historija spomenika u Banjoj Luci** / Vladan Vukliš
- 14:00 – 14:20 **Lutajući spomenici Zenice** / Mirza Džananović
- 14:20 – 14:40 **Spomenici Mostara kao markeri simboličke granice i poslijeratne memorijalizacije** / Bogdan Dražeta
- 14:40 – 15:10 diskusija
- 15.10: **Završne riječi, zatvaranje simpozija**

Cijenili bismo ako biste mogli svoj dolazak na simpozij najaviti tajnici IANUBIH-a, gđi Jasni Jandrić Dorić do 9. septembra 2024., na e-mail: jasna.jandric@hotmail.com. Za eventualne dodatne informacije o samom simpoziju (sadržajne prirode), molim pišite na dejan.jovic@fpzg.hr.

Akademik Dejan Jović

Voditelj Razreda za društvene nauke IANUBIH